

樊川文集

一



樊川文集序

將仕郎守京兆府藍田縣尉充集賢殿
校理裴延翰撰

長安南下杜樊鄉酈元注水經實樊川也延翰
外曾祖司徒政公之別墅在焉上五年冬仲舅
自吳興守拜考功郎中知制誥盡吳興俸錢創
治其墅出中書直亟召昭密往遊其地一旦談
啁酒酣顧延翰曰司馬遷云自古富貴其名磨
滅者不可勝紀我適稚走於此得官受俸再治
完具俄及老爲樊上翁既不自期富貴要有數

百首文章異日爾爲我序號樊川集如此顧樊
川一禽魚一草木無恨矣庶千百年未隨此磨
滅邪明年冬遷中書舍人始少得恙盡搜文章
閱千百紙擲焚之纔屬留者十二三延翰自撮
髮讀書學文率承導誘伏念始初出仕入朝三
直太史筆比四出守其間餘二十年几有撰制
大乎短章塗藁醉墨碩夥纖屑雖適僻阻不遠
數千里必獲寫示以是在延翰久藏蓄者甲乙
籤目比校焚外十多七八得詩賦傳錄論辯碑
誌序記書啓表制離爲二十編合爲四百五十

首題曰樊川文集嗚呼雖當一時戲感之言孰見魄兆而果驗白耶嘻文章與政通而風俗以文移在三代之道以文與忠敬隨之是爲理具與運高下探探古作者之論以屈原宋玉賈誼司馬遷相如楊雄劉向班固爲世魁傑然騷人之辭怨刺憤懣雖援及君臣教化而不能露洽持論相如子雲瑰麗詭變諷多要寡漫羨無歸不見治亂賈馬劉班乘時君之善否直豁已臆奮然以拯世扶物爲任纂緒造端必不空言言之所及則君臣禮樂教化賞罰無不包焉竊觀

件舅之文高聘夔屬旁紹曲據絜簡渾圓勁出
橫貫滌濯滓窳支立敲倚呵摩鄆稼如火煦焉
爬梳痛痒如水洗焉其抉剔挫偃敢斷果行若
警牧野前無有敵其正視嚴聽前衡後鑒如整
冠裳祇謁宗廟其聒蟄爆聾發不慄若大呂勁
鳴洪鐘橫撞撐裂噎喑戛切韶護其砭熨嫉害
堤障初終若濡槁於未焚膏癰於未穿栽培教
化翻正治亂變醢養瘠堯釀舜薰斯有意趨賈
馬劉班之藩牆者邪具文有罪言者原十六衛
者戰守二論者與時宰論用兵論江賊二書者

上獵秦漢魏晉南北二朝逮貞觀至長慶數千
百年兵農刑政措置當否皆能採取前事凡人
未嘗經度者若繩裁刀解粉畫線織布在眼見
耳聞下其譎往事則阿房宮賦刺當代則感懷
詩有國欲亡則得一賢人決遂不亡則張保臯
傳尚古兩柄本出儒術不專任武力者則注孫
子而爲其序褒勸賢傑表揭職業則贈莊淑大
長公主及故丞相竒章公汝南公墓誌標白歷
代取士得才率由公族子弟爲多則與高大夫
書諫諍之體非訐醜惡與主鬪激則論諫書若

一縣宰因行德教不施刑罰能舉古風則謝守
黃州表一存一亡適見交分則祭李處州文訓勵
官業告東君命擬古典暮以寓誅賞則司帝之
誥其餘述喻讚誠與諷愁傷易格異狀機鍵雜
發雖綿遠窮幽醲腴魁礪筆酣句健窅眇碎細
包詩人之軌憲整揚馬之衙陣聳曹劉之骨氣
掇顏謝之物色然未始不撥斲治本絙幅道義
鈎索於經史解禦於理化也故文中子曰言文
而不及理是天下無文也王道何從而興乎嘻
所謂文章與政通而風俗以文移果於是以卜

盛時理具踔三代而蔭萬古若躋太華臨溟渤
但觀乎積高而沓深不知其磅礴澶漫所爲遠
大者也近代或序其文非有名與位則文學宗
老小子旣就其集寐寤思慮顛倒反覆不翅諳
逾年苟墜承顧付與之言雖晦顯兩不相解在
他人無知狀者然以高有天幽有神陰有宰物
者可自拉誣以甘罰殛邪故惣條目強自作序

樊川文集總目

中書舍人杜牧字牧之

第一

賦三首

阿房宮賦

望故園賦

晚晴賦

詩二十八首

感懷

杜秋娘

郡齋獨酌

張好好

冬至日寄小姪阿宜

李甘

洛中送冀處士東遊

送沈處士赴蘇州李中丞招以詩贈行
長安送友人遊湖南

皇風

雪中書懷

雨中作

偶遊石盦僧舍

赴京初入汴口曉景即事

獨酌

惜春

題安州浮雲寺樓

過驪山作

池州送孟遲先輩

重送

題池州弄水亭

題宣州開元寺

大雨行

逢裴坦判官歸宣州因題贈

贈宣州元處士

村行

史將軍

第二

律詩六十七首

華清宮三十韻

長安雜題長句六首

河湟

許七侍御棄官東歸

李給事二首

題永崇西平王宅太尉愬院六韻

東兵長句十韻

過勤政樓

題魏文貞

早春閣下寓直蕭九舍人因寄書懷四韻
秋晚與沈十四舍人期遊樊川不至
念昔遊

今皇帝陛下詔徵兵不日功集河湟

諸郡次第歸降臣獲覩聖功輒獻歌
詠

奉和白相公長句四韻

過華清宮絕句三首

登樂遊原

聞趙縱使君與党項戰中箭身死長句
送容州中丞赴鎮

夏州崔常侍自少常亞列出領麾幢十

韻

街西長句

春申君

奉陵宮人

讀韓杜集

春日言懷寄李常侍

李侍郎於陽羨里富有泉石某亦於陽
羨粗有薄產叙舊述懷因獻長句四
韻

贈李處士長句四韻

送國基王逢

重送絕句

少年行

奉和門下相公送西川相公兼領相印
出鎮全蜀

朱坡

早春寄岳州李使君

送王侍御赴夏口座主幕

自貽

自遣

題桐葉

沈下賢